

欽定周官義疏

第三
函六冊

欽定周官義疏卷第三十三

夏官司馬第四之六

職方氏掌天下之圖以掌天下之地辨其邦國都鄙四夷八蠻七閩九貉五戎六狄之人民與其財用九穀六畜之數要周知其利害

閩梅巾反貉孟

白反畜

許六反

正義鄭氏康成曰天下之圖如今司空輿地圖也鄭司

農云東方曰夷南方曰蠻西方曰戎北方曰貉狄某謂

閩蠻之別也。國語閩芊蠻矣。

賈疏案鄭語史伯曰蠻芊蠻矣。不作閩。後人傳寫誤。

也。鄭氏以閩爲正。後分爲七種。故謂之七閩。

四八七九五。六周之所服。國數

也。財用泉穀貨賄也。利金錫竹箭之屬。害神姦鑄鼎所

象百物也。

賈疏宣三年左傳。王孫滿對楚子。

爾雅九夷八蠻六戎五狄。

謂之四海。

賈疏爾雅數與此不同。

鄭氏鍔曰。辨其人民。則以廣

谷大川異制。民生其閒異俗。衣服飲食異宜。器械異制。

辨其財用。則以布帛財貨所資者不同。辨其九穀。則以

土之所宜。或四種五種各不同。辨其六畜。則以物之所

產或四擾三擾各不同故也。

案山師川師所辨之利害。謂設險之要害也。土訓誦訓所道地慝方慝。謂惡物汚俗之害也。知其害則利可興。開道通津。則疆圉之利也。除惡革汚。則禮俗之利也。職方通掌九畿必周知之。然後封守可定。政教可頒。

通論鄭氏鍔曰。職方所掌地圖。卽大司徒土地之圖也。然大司徒所掌。以知中國九州。可以建國分封之地。且辨土宜而施教也。職方所掌。則兼中國外蕃。而知其土

之所有。司馬施九畿之政職。必本是圖。故屬司馬而不屬司徒。

存疑 賈氏公彥曰。趙商問明堂位。九夷八蠻六戎五狄。數與此異。鄭答職方氏。四夷四方夷狄也。九貉卽九夷。在東方。戎狄之數。或六或五。爾雅有其數。文不甚明。故不定。

乃辨九州之國。使同貫利。



鄭氏康成曰。貫事也。

王氏昭禹曰。事之有條。謂

之貫

東南曰揚州。

正義

賈氏公彥曰。自此已下。陳九州之事。總爲三道。先

從南方起。周改禹貢。以徐梁二州合於雍青。分冀州地。以爲幽并。東南曰揚州。次正南曰荊州。西南不置州。統屬雍州。故卽次河南曰豫州。爲一道。次正東曰青州。次河東曰兗州。次正西曰雍州。爲二道。又次東北曰幽州。次河內曰冀州。次正北曰并州。爲三道。若禹貢治水。則

以冀兗青徐爲一道。揚荊豫梁雍爲一道。先從下起。與

此異。

易氏祓曰。禹貢揚州之域。東距海。北據淮。故曰

淮海。惟揚州。殷人以淮入徐。故揚州止。謂之江南。周人

復以入揚。循禹之舊。

案易氏說。本爾雅九州。郭璞疑爾雅所列。爲殷制也。

其山鎮曰會稽。

會古外反。



鄭氏康成曰。鎮名山安地德者也。會稽在山陰。

賈疏。

山陰縣名。案夏本紀。禹會諸侯于江南。計功而崩。因葬焉。命曰會稽。會稽者會計也。

易氏祓曰。

會稽。漢志屬會稽之山陰縣。唐爲越州。會稽縣。山在東。

南二十里。今州爲紹興府。薛氏曰。兗之岱。荆之衡。雍之嶽。并之恆。豫之華。五州五鎮。各正其方。所謂五嶽是也。青之沂山。幽之醫無閭。冀之霍山。揚之會稽。不可以嶽名也。則謂之鎮而已。總言之。四鎮五嶽。皆山鎮也。其澤數曰具區。



鄭氏康成曰。大澤曰數。

賈疏案澤虞職注。水鍾曰澤。水希曰數。則澤數別。此

注大澤曰數者。澤數相因故也。

具區在吳南。

易氏祓曰。孔安國云。震

澤。吳南太湖名。孔穎達云。吳縣治居震澤之東北。故傳

謂在吳南。而地理志云具區在西也。唐屬蘇州。今爲平江府。王氏鰲曰。太湖在蘇州西南四十五里。廣三萬六千頃。中有七十二山。蘇州之吳縣。吳江。湖州之烏程。長興。常州之宜興。武進。無錫。皆濱之。其上源西北有寧國。建康諸水。至溧陽。并延陵。丹陽諸水。於宜興。由百瀆以入。西南有苕。霅諸水。會於長興。烏程。由七十二瀆以入。下流皆由吳江縣之南。入於松江。以歸海。一名震澤。書震澤底定是也。一名具區。職方揚州之數曰具區是。

也。

其川三江。

辨正

黃氏度曰。韋昭以松江浙江浦陽江爲三江。郭璞

以岷江松江浙江爲三江。大抵吳越去海近。水多自爲

瀆。俗皆稱爲江。有三焉。則謂之三江。其實皆小水。非禹

貢職方之三江也。范蠡所云三江。當爲浙錢清剡子胥

所云三江。則郭景純說近之。蓋岷江自彭蠡而下。合池

宣昇潤真揚諸州水在其北。松江合湖秀蘇常諸州水

居其中。浙江合衢婺徽嚴杭越諸州水在其南。此爲全吳地域也。歸氏有光曰。古今論三江者。班固韋昭桑欽之說近之。但固以蕪湖東至陽羨入海。昭分錢塘江浦陽江爲二。桑欽謂南江自牛渚上桐水過安吉歷長瀆。爲不習地勢。程大昌辨之詳矣。然孔安國蘇軾所論。亦未必然也。今從郭璞以岷江松江浙江爲三江。蓋自揚州斜轉東南。揚子江吳松江錢塘江三處入海。而皆以江名。其爲三江無疑。直學邊實修崑山志言大海自

西甲分南北。由轉斜而西。朱陳沙。謂之揚子江口。由徘徊頭而北。黃魚垵。謂之吳松江口。浮子門而上。謂之錢塘江口。以此驗之。禹迹無改。

三江之目。言人人殊。曰松江婁江東江者。此吳之一

隅。曰浙江錢清江剡江者。此越之一隅。

浦陽江與剡溪合。下流爲曹娥

江。皆土人因其支別有三而名之。不足當三江之正。揚

州之域。北跨大江。南踰會稽。則岷江在北。浙江在南。而松江居其中。此說無以易矣。韋昭分浦陽與浙爲二。而

浦陽特浙之支耳。桑欽謂大江水自貴口分流過安吉而入震澤。而不知貴池以東宣歙之間中高不相接也。班固謂蕪湖水東至陽羨。則漢時固然。蓋高淳縣東五十里。其地中高。本不與江相通。春秋時伍員伐楚穿渠以運。因名胥溪。江水漫溢則倒灌胥溪而趨陽羨以入震澤。而三代以前本未通也。自明築廣通埧。今俗名東壩。而蕪湖以西之水仍入大江矣。若禹貢東爲北江。東爲中江者。則專就岷江而別之。且在揚州之上流。要非職方

所指也。

其浸五湖。浸子
蔭反

正義鄭氏康成曰。浸。可以爲陂。灌漑者。

案張勃陸龜蒙輩皆謂五湖卽太湖。或云以周行五百

里故名。或云上稟咸池五車之氣。或云環湖隨地異稱。

有菱湖。莫湖。游湖。貢湖。胥湖之別。若然。則經旣言澤藪。

具區。不必更言其浸五湖矣。且揚州地域遼濶。湖浸繁

多。胡舍其可紀者。而必複舉具區之一。以當二乎。是則

具區縱有五湖之名。而必非職方之五湖也。虞翻曰。漏湖。洮湖。射湖。貴湖。及太湖爲五。韋昭曰。胥湖。蠡湖。洮湖。漏湖。就太湖而五。李圖以彭蠡。巢湖。鑑湖。洞庭。并太湖。而五。柯山以射陽湖。丹陽湖。彭蠡湖。青草湖。并太湖。而五。洞庭青草。當屬荊州。非揚域也。大抵楚州之射陽。洪州之彭蠡。巢縣之巢湖。暨洮漏鑑等。皆爲南方之浸。或當數其尤大之五者。而具區旣列澤藪。則不復數之。與每州澤藪一舉其尤大者以表之。猶山之有鎮也。川

與浸則或二或三或五以包其餘山一而川澤多者舟楫灌溉之利其用廣也。

其利金錫竹箭其民五男二女其畜宜鳥獸其

穀宜稻。

注故書箭爲晉杜子春云晉當爲箭書亦或爲箭



鄭氏康成曰錫鑕也箭篠也。

賈疏箭一名篠故禹貢云篠簜是一物二

名鳥獸孔雀鸞鵠犀象之屬也。

易氏祓曰禹貢揚州

惟金三品瑤琨篠簜爾雅會稽之竹箭考工記吳越之

金錫。稻生於水澤之地揚州居東南之極及支川下

金定局官事正 卷三
流之所歸。厥土爲塗泥。爲沮洳。故其穀宜稻。

九州男女之數。所以皆可凡數者。司民自生齒以上。皆書於版。而諸侯歲獻民數。則按籍可稽。所以具列於職方者。男女偏多偏少之地。所以差其征役。紀其作業者。政教不得而同也。

正南曰荊州。

易氏祓曰。禹貢荊及衡陽惟荊州。殷之荊州。其北境曰漢南。以地理志考之。荊山在南郡臨沮縣。漢水又